

Middurbbor Seir Zzir Ddei Arddolyox?

Middurbbor seir zzir ddei mel dder: Arbosobo ddei ssorzil Yisu niul middurbbor ca mel leil weix a sixrzixljiaxl leil diexr zil, giexlhex, giedae so ni cir ni Arbosobo yar leil gol du xixl lei lol a; eilleix yar Arbosobo ddei yo piar a gga cux dae.

Niul Yisu leil ddarzzi a dder, yar sirnilni mel niul ddei zuixl meil leil cir xia gger, niul ddei zuixl maelmaerjjia leil ssoxrsuxl a niul leil zuixl nr zza i mal gger, niul leil Arbosobo ddei aniux bei lol. Arbosobo ddei Xiu ddei niul dax hher ji dae lol.

Niul middurbbor hher dae car a, arddolmaex hher dae zzorbbeixlei, Arbosobo dax ddar biar cexr, yar niul leil beijjiu a ciza hanga leil bei leixl gger cexr. Niul middurbbor nixixl ddei goxr jjia, si ho a, Arbosobo niul ddei xiu ddei leil merlabbor zi deix si a arddolcar ci a lei yar dax cirgo a hher dae lol.

Arbosobo Ddei Sul ber leil vaexr dae a bbeix:

Loxrmar Sul 3:23: Mer woxrke ca maelmaerjjia lei zuixl bei, yaa Arbosobo yaa leil bei lol mel bei nr ci, yel yaa dder Arbosobo sael a seirceix-seirmaer nr nga, yar dax hher nr piar.

Loxrmar Sul 6:23: Arseir zuixl bei a mel dder si nia. Nael niul Seirpor Yisu Zidu dax cir piar a bei a mel, Arbosobo niul leil seirseir meixl gger a, arddolcar ci a lei olga zza.

Loxrmar Sul 5:8 Niul zuixl zza car a dder Zidu mel niul leil si gger ssi ho a, yel niul dder Arbosobo niul leil perniar saexl.

Loxrmar Sul 10:9-10: Ni meir ddei gga “Yisu mel Seirpor a” cexrssexl halae nixmox zzar Yisu si a Arbosobo yoxl yar leil gol du xixl lei lol eine ddarzzi a mel, ni leil dder jiuxl wo ddo. Niul nixmox zzar Zidu leil ddarzzi dae a mel dder Arbosobo niul leil zuixl nr zza i mal gger. Niul meir ddei gga “Yisu mel Seirpor a” cexrssexl a mel dder niul leil jiuxl wo a.

Loxrmar Sul 10:13: Ha Seirpor ddei leil qiuxr su ca mel, yaa leil jiuxl wo nia.

Ni Yisu leil ddarzzi niazzir a eine biar nia:

“Arbosobo, ngo mel nr seir cirke bei goxr, ngo ni dax huixrsoxr lei. Ni Yisu leil ngo leil gger a ngo ni leil nawo. Seirpor Yisu, ni ngo leil weix a sixrzixljiaxl ddei leil diexr zil a ngo ni leil nawo, ni ddei sirnilni mel ngo ddei zuixl mel leil ssorsuxl a ngo ni leil nawo. Seirpor Yisu, ngo ni leil ddarzzi, ngo ni leil qie, ni ngo nixmox zzar ddir lei. Ngo, ngo ddei olga ddei ni leil jia gger yuex, cirse-cirsil ni dax mae yuex. Ngo ni leil nawo a: ni ngo leil ni leil saexl lol, Yisu ddei mi leil koxl dae a bbeix, amae.”